

§. 1. Et similiter, vigesima de hujuscemodi festivitatum inchoentur, et durent quousque necessarium videbitur. \*)

*Judices Regni Ordinarii qui sint? Et qui ad judicium intrare possint? Ac de custodia ostii domus Judicariae.*

Articulus 42.

§. 3. Isti autem subscripti, videlicet: Magister Tavernicorum, Magnus Seneschalcus, Banus Dalmatiae, Croatiae, Slavoniae et Waywoda Transylvanus; ad Sedem Judicariam Regiae Majestatis non vocati intrare non teneantur.

*Judices Regni Ordinarios diffamantium, vulnerantium et interimentium poena.*

Articulus 70.

§. 4. Si qui vero Judices Regni Ordinarios, aut eorundem Vices-Gerentes, scilicet: Vice-Palatinum, Vice-Comitem, Vice-Banum, Magistros Proto-Notarios, aut alios Judices Ordinarios Regni, quacunque causa verberarent, interficerent, necem, vel verbera eis minarentur, aut captivarent, vel in personis eorum, qualitercunque offenderent; habita superinde probatione legitima, in nota et poena perpetuae infidelitatis convincantur. \*\*)

ARTICULI NOBILIIUM REGNI SCLAVONIAE:

In Decreto praesenti, secundum deliberationem Regiae Majestatis, ac Dominorum Praelatorum et Baronum, Regnique Nobilium inserti, sequuntur hoc modo:

*Sclavoniae Regnum Rex in suis libertatibus conservet.*

Articulus 1.

Majestas Regia, inter caetera sua Regna, dictum Regnum Sclavoniae, in antiquis eorum libertatibus, immunitatibus, privilegiis et consuetudinibus conservare pollicetur. \*\*\*)

*Contributionis, quae in Ungaria offertur; in Sclavonia, dimidia pars exigatur, pro numero portarum.*

Articulus 2.

Si Majestas Sua, incolis Regni sui Ungariae, quibuscunque ex rationibus, nunc et temporum in successu, aliquas solutiones fieri statuerit; extunc talium solu-

\*) Octavae Banales in Sclavonia; An. 1715. a. 121. Et An. 1723. a. 89.

\*\*) Mat. Decr. 6. a. 54. Confer. Anni 1723. a. 10. circa medium. Et Anni 1715. a. 55. Ubi hic articulus confirmatur.

\*\*\*) Anni 1715. a. 120. et 125.